

## والاستيريت جونئيشي لندن يولوندا

مالي بونگاھلار، بانكلار و بورسلارين سياست عالمينده آغير كۆلگه لرينه گۆره آمريكانين موختليف شهرلرينده تظاهرات و اعتيراضلادان نئچه هفته كئچير و ايندي اوخشار اعتيراضلار آيري غربي اۆلكه لرده تشكيل تاپير.

بو جونئيشين بيرينجي موشابهه كئچن هفته كانادادا اوز وئردى. ايندي ده انگلستاندا موعتريض گوروھلار والاستيريت جونئيشيندن ايلهام آلماغينان، اؤزلىن لندن بورسونون قاباغيندا «لندنين ايشغالي» شوعارى اينن حاضيرلار.

ديلي ميل روزنامه سى بونون اعلام ائله ماغينان يازدى: انگليس دۆلتى اينن موخاليف اولان بير گوروھ فئيس بوك صفحه سينده لندن بورسونون قاباغيندا اعتيراض ايسته ييب و اينديه جن 3 مين نفر دن چوخ آماده ليق اعلام ائديلر.

بو گوروھ نئچه مودّت قاباق تظاهراتينان «ست مينستر» كۆرپوسونده گئت-گلي موختل ائله ميشدى. ايندي بو گوروھ اؤز چاغريشيدا دئييب كي بو جهاني اعتيراضين بير تيكه سيدير.

موعترضلرين پياملاريندا گليب: بيز گون به گون گوجلەنيريك. بيز مو تحيد قاليب بير بيريميزين نظرلرينه احترام قويوروق. بيز بين الميلي مردمى جونئيشين بير تيكه سى يوق. بيز يوزده 99 - وق.

آمريكادا كي والاستيريت جونئيشين سايتي اعلام ائديب كي دونيادا نئچه آيري اۆلكه لردن موختليف گوروھلار اؤز بيرليقلارين اعلام ائديلر و اوخشار اعتيراضلار باش توتاجاق. ديني رهبرلر مسجيدلردن، كيليسالاردان و منيسه لردن اؤز حىمايتلرين بو جونئيشدن اعلام ائديلر و حتي اؤزلىن بو جونئيشين بير تيكه سى بيليلر. «ميكاييل اليك»، «جودسون مموريال» كيليساسى نين كشيشي بو باره ده خبرنيگارلارا دئدى: ايقتيصادي عدالت تحقوق تاپمايينجا آيري عدالت ايمكانسىزدير.

بو جونئيشين ديني شخصيتلر اعتيراضلاري نين دؤردونجو هفته سى بازداشتسىز سوو شدو. كشيش استفان رالف دئييركي بو جونئيش اونا چوخ اثر قويوب. او دئدى: بو بيزيم بيرليغيميزين تجلئى سيدير كي كيليسانين حىمايتى اينن موختليف شهرلره چاتيب.